



Фарғона вилояти

Халқаро ҳамкорлик

ТОЖИКИСТОНЛИК НУРОНИЙЛАР СИҲАТГОҲДА, БОЛАЛАР ЭСА ОРОМГОҲДА ДАМ ОЛИШМОҚДА



ЎЗБЕКИСТОН КАСАБА УЮШМАЛАРИ ФЕДЕРАЦИЯСИ ҲАМДА ТОЖИКИСТОН МУСТАҚИЛ КАСАБА УЮШМАЛАРИ ФЕДЕРАЦИЯСИ ЎРТАСИДА ИМЗОЛАНГАН МЕМОРАНДУМ ИЖРОСИНИ ТАЪМИНЛАШ МАҚСАДИДА КНИБОДОМ ШАҲРИДАН 50 НАФАР ЁШЛАР ҲАМДА 10 НАФАР ФАХРИЙЛАР ЎЗБЕКИСТОНГА ТАКЛИФ ЭТИЛДИ.

Конибодом шаҳар маъмурияти раиси Абдусалом Тўхтасинзода бошчилигидаги делегация аъзолари Бешариқ туманидаги «Андархон» чегара-божхона поstda Ўзбекистон лутф ила карнай-сурнай садолари остида кутиб олинди.
Ўзбекистон касаба уюшмалари Федерациясининг Фарғона вилояти кенгаши раиси Эркинжон Нуралиев ва Бешариқ тумани ҳокими Расулжон Жўраев меҳмонларнинг юртимизга ташрифидан мамнун эканликлари, кейинги йилларда икки элнинг алоқалари торабора юксалиб бораётганини эътироф этишди.
Дўстона ва самимий суҳбатдан сўнг тожикистонлик 50 нафар ўғил-қизлар Бешариқ туманидаги Болаларнинг дам олишини ва соғломлаштирилишини ташкил этиш департаменти тасарруфидаги «Товул» болалар оромгоҳига, меҳнат фахрийлари эса саломатликларини мустаҳкамлашлари учун сўлим гўша ҳисобланган «Олтин кўл» сиҳатгоҳига жойлаштирилди.
—Оромгоҳимизда ўзбекистонлик ва тожикистонлик ўғил-қизлар биргаликда, мароқли ҳордиқ чиқармоқда, — дейди оромгоҳ раҳбари Хуршидҷон Исмаилов. — Уларни ҳушнуд этиш учун

бир-бирдан ажойиб дастурлар уюштириш ва вилоят бўйлаб саёҳатларга олиб боришни режалаштирганми.
— Тожикистонлик тенгдошларим билан бирга дам олаётганимдан хурсандман, — дейди Хадичахон Акрамова. — Улар билан тезда дўстлашиб кетдик. Меҳмонларимиз тожик тилида, биз эса ўзбек тилида ким кўп шеър айтиш бўйича мусобақалашяпми.
— Оромгоҳдаги шароитлар, шинам ва озода хоналар менга ёқди. Айниқса, бу ерда дам олаётган ўзбекистонлик қизлар бизни яхши кутиб олишди, — дейди тожикистонлик Заршида Кабулова. — Бу ерда дам олаётган.
Болажонларнинг мароқли ҳордиқ чиқаришлари учун ҳар бир кунга алоҳида дастурлар белгиланган бўлиб, бунда турли учрашувлар, маданий тадбирлар, театр томошалари, концертлар кўзда тутилган.
Мухтасар айтганда, «Товул»даги ҳар бир кун икки қардош элнинг болаларига бирдек манзур бўлмоқда.

Жамшид ЭРГАШЕВ
«ISHONCH»



Шаҳноза ЖўРАЕВА,
Болаларнинг дам олишини ва соғломлаштирилишини ташкил этиш департаменти Маданий-маърифий ва спорт ишлари бўлими бош мутахассиси



Навоий вилояти

Ёзги соғломлаштириш

ТААССУРОТЛАРГА БОЙ ТАЪТИЛ

Навоий вилоятида 2023 йилнинг ёз мавсумида 18 та оромгоҳ фаолият юритмоқда, шундан 11 таси стационар, 5 таси кундузги, 2 таси меҳнат ва дам олиш масканларидир.

Оромгоҳлар ва уларнинг атрофида жамоат тартибини сақлаш ва хавфсизликни таъминлаш мақсадида ички ишлар органлари, вилоят қўриқлаш бошқармаси бўлинмалари ходимлари ҳамда болалар саломатлигини таъминлаш ва назорат қилиш мақсадида вилоят санитария-эпидемиология ҳамда жамоат саломатлиги ва соғлиқни сақлаш бошқармалари ходимларининг доимий навбатчилиги йўлга қўйилган.

Дам олиш масканига бириктирилган санитария врачлари томонидан ҳудуд, ётоқхоналар, чўмилиш ҳавзаси, ювенил жойлари, спорт майдонлари, ошхона ва омборхоналарнинг санитария ҳолати, санитария ва гигиена талабларига амал қилиниши тўла назоратга олинган.

Вилоятда департамент қошида мавсум давомида ишлайдиган ҳудудий штаб тузилди, болаларнинг қабул қилиниши, мавсумнинг бориши тўғрисида кунлик маълумотлар юритилмоқда.

Оромгоҳларда спорт мусобақалари ва ҳар хил турдаги тўғарақлар ташкил қилинган. Оромгоҳлар ўртасида соғлом рақобат уйғотиш, амалга оширилаётган тизимли ишларни намойиш этиш мақсадида Навоий вилоятида илк бора 5 та йўналишда «Департамент кубоги» видеороликлар танлови ўтказилди. Хусусан, «Энг яхши китобхон оромгоҳ» номинациясида департамент тасарруфидаги «Табассум», «Энг яхши тўғарақлар ташкил этган оромгоҳ» номинациясида «Қизилқум-цемент» АЖга қарашли «Шабода», «Энг яхши спортни тарғиб қилган оромгоҳ» номинациясида «Навоийазот» АЖнинг «Офтобжон» оромгоҳи, шунингдек, «Энг яхши тарбиячи» номинациясида Навоий кон-металлургия комбинатининг «Сўғдиёна» оромгоҳи тарбиячиси Садоқат Бахронова, «Энг яхши ташаббускор оромгоҳ раҳбари» номинациясида эса «Зарафшон» оромгоҳи директори Гулноза Холматова ғолиб бўлди ва муносиб тақдирланди.

Шаҳноза ЖўРАЕВА,
Болаларнинг дам олишини ва соғломлаштирилишини ташкил этиш департаменти Маданий-маърифий ва спорт ишлари бўлими бош мутахассиси

Келгуси сонларда ўқинг...



Айдаркўл
иккинчи оролга
айланмайдими?



Ўзаро ҳамкорлик
самаралари



Бировга
фойда, бировга
зарар...



Сирдарё вилояти

Сирдарё вилояти ҳокимлиги эътиборига!



Бухоро вилояти

Йўлини йўқотган қишлоқлар

Сайхунбод туманининг чекка ҳудуди – Сирдарё бўйида жойлашган Оқчоб, Тўра, Тўрқовул, Бешбулоқ, Тожиковул, Янгиобод қишлоқлари аҳолиси туман ёки вилоят марказига борадиган 10 километрлар чамасидаги йўлнинг аҳоли айнаи дамда жуда ҳам ачинарли ҳолатда.



Ҳолбуки, бундан икки йил олдин бу йўллар асфальтланган, текис ва равон эди. Ҳўш, нега қисқа муддатда у бу аҳволга тушди?

Гап шундаки, дарёдаги ўндан зиёд карьердан қум ортиб чиқаётган улкан юк машиналари уларни мана шу ҳолга солиб қўйган. 40-50 тонналик юк ортилган машиналар кечаю кундуз тинмай қатнайвергач, йўлдаги асфальт, тошлар ўрнида тизза бўйли тупроқли чуқурлар пайдо бўлган. Аҳвол шу даражага етдики, ҳатто, эндиликда ўша машиналарнинг ўзлари ҳам йўлдаги чуқурликларга тушиб, бир-бирларини тортиб чиқаришяпти.

Шу ерда яшовчи одамларнинг айтишича, бу йўлларда ҳеч бир уловда юришнинг иложи қолмагач, улар далаларни суғориш учун тортилган кўтарма ариқ бўйини текислаб йўл солиб олишган. Ҳозир ўзаро пул йиғиб, йўлга тош тўқитишяпти. Бу омонат, тор йўлда эса бир томонга қараб, фақат битта улов юра олади холос.

Ўз-ўзидан савол туғилади: бу одамлар тегишли жойларга мурожаат қилишни билишмайдими?

Билдилар, албатта. Аммо улар кутган садо чиқишига ишонишмайди-да!

Ҳолатни кузатган киши ўйлаб қолади:

дарёдаги текин бойликдан манфаатдор бўлаётганларга туппа-тузук йўлларни бузишга ким ҳуқуқ берган? Қишлоқлар инфратузилмасини яхшилаш ҳақида чиройли нутқлар сўзлаётган масъуллар хотирасидан дарё бўйидаги ҳудудлар бутунлай фаромуш бўлдимикан?

Эҳтимол, ана шу лоқайдлик йўлбузарликка «йўл очиб» бераётган бўлса, не ажаб...

Баҳор ХОЛБЕКОВА,
Комила БОЙМУРОДОВА,
«Ishonch» мухбирлари



Миннатдорлик

Меҳрни мудом ҳис этдим

Математика фани бўйича мактабда узоқ йиллар муаллимлик қилдим. Шогирдлар ортириб, ўстозлик мақомига эришдим.

Ҳаёт экан-да, қайноқ таассуротларга бой даврим жуда тез ўтиб кетди. Хаш-паш дегунча, пенсия остонасига қайнлашдим. Меҳнатларинг қадр топса, фахр-ифтихор ҳис қиларкансан киши. Пенсияга чиқишим олдида Таълим ва фан ходимлари касаба уюшмаси Ромитан тумани кенгаши томонидан «Ситораи Моҳи Хоса» сиҳатгоҳига йўлланма берилди. «Узоқ йиллик меҳнатларингиз заҳмати бироз бўлса-да, тарқасин» дейишди. Қунониб кетдим. Касбий фаолиятим давомида ҳуқуқла-

рим ҳимоячиси бўлган бу ташкилот кетаётган чоғимда ҳам беэтибор бўлмади.

Икки ҳамкасбим – Гулбегим Шарипова ҳамда Марҳаб Хожиёва билан сиҳатгоҳда мириқиб ҳордиқ чиқариб, саломатлигимизни тиклаб қайтдик. Ёзининг жазирама кунларини сўлим ва сокин масканда ўтказишимга сабабчи бўлган касаба уюшмаларидан чексиз миннатдорман.

Башира КЕНЖАЕВА,
Ромитан туманидаги 28-мактаб математика фани ўқитувчиси

